

KPT mahu perluas kerjasama IPT

Ingin pastikan tiada lagi sempadan antara universiti awam, swasta

KUALA NERUS — Kementerian Pengajian Tinggi (KPT) akan memperluaskan konsep kerjasama atau kesepuangan antara institusi pengajian tinggi (IPT) dalam usaha memastikan lagi mutu pendidikan di negara ini.

Menteri Pengajian Tinggi, Datuk Seri Idris Jusoh berkata, usaha itu dibuat bagi memastikan tiada lagi sempadan antara universiti awam dan swasta sekaligus mewujudkan hubungan lebih erat.

Menurutnya, dalam konsep pendidikan fleksibel ketika ini, kerjasama antara universiti dilihat sebagai langkah yang perlu dilaksanakan.

"Contohnya, kerjasama antara Universiti Sultan Zainal Abidin (Unisza) dan Universiti Malaysia Terengganu (UMT) memandangkan kedudukan berdekatan antara satu sama lain bagi memastikan tiada lagi sempadan antara kedua-dua IPT itu.



Idris (dua kiri) ketika melawat pameran Jom Masuk IPT di Unisza Kampus Gong Badak, semalam.

"Kita lihat apa yang menjadi penghalang sebelum ini adalah pemikiran. Namun sudah tiba masanya untuk

mengubah perkara itu dengan mewujudkan konsep kesepuangan," katanya.

Beliau berkata demiki-

an kepada pemberita ketika ditemui pada Jelajah KPT 'Soaring Upwards' di Dewan Perdana Unisza Kampus Gong

SINAR HARIAN 14/02/2016

Badak, di sini, semalam.

Tambahnya, UMT dan Unisza mungkin boleh menawarkan kursus yang membolehkan pelajar daripada kedua-dua institusi berkenaan mengambil kursus sama tanpa perlu menggunakan dua pensyarah, sebaliknya berkongsi pensyarah sama.

Katanya, konsep kerjasama atau kesepuangan bagaimanapun bukan satu gabungan tetapi hanya perkongsian antara universiti awam dan swasta di negara ini agar berupaya memantapkan mutu pendidikan negara.

Dalam perkembangan lain, beliau menafikan penguasaan bahasa Inggeris di negara ini masih berada pada tahap rendah sebaliknya telah menunjukkan peningkatan.

"Penguasaan bahasa Inggeris dalam kalangan pelajar di negara ini terbukti mampu menyayangi pelajar dari luar negara apabila pelajar

kita muncul juara dalam pertandingan debat, mengalahkan pelajar dari universiti luar negara tersohor.

"Jadi saya menafikan pandangan berkenaan ia hanya persepsi semata-mata. Tahap pendidikan dan keupayaan universiti awam di negara ini juga sudah terbukti apabila meraih kejeduan antara terbaik di dunia di samping menjadi pilihan pelajar luar negara untuk melanjutkan pengajian," katanya.

HEBAHKAN
AKTIVITI KOMUNITI ANDA
email: zulkhairil@sinarharian.com.my

JOM SOLAT	
KUALA NERUS	
SUBUH	6:05
SYURUK	7:23
ZUHUR	1:24
ASAR	4:44
MAGHRIB	7:21
ISYAK	8:32